




REPUBLIKA E KOSOVËS
Komuna e Drenasit (Glllogocit)
Kuvendi i Komunës



12 Nr. 400 - 33981 dt 17.06.2016

Duke u bazuar ne nenin 12 pika c si dhe të nenit 40 të Ligjit nr. 03/L-040, për Vetëqeverisje Lokale, nenit 15 paragrafi 7, nenit 34 paragrafi 2 dhe 7 të Ligjit nr. 04/L-60, për mbeturina (GZRK, nr. 17/2012), 34.6 të Statutit të Komunës së Drenasit, Kuvendi i Komunës së Drenasit, në mbledhjen e mbajtur me dt:10.06.2016 miratoi këtë:

RREGULLORE
KOMUNALE PËR MENAXHIMIN E MBETURINAVE NË KOMUNËN E DRENASIT

NENI 1
QËLLIMET DHE DETYRAT

- 1.1 Qëllimi i kësaj Rregulloreje është të rregullojë çështjen e menaxhimit të mbeturinave komunale në mënyrë të integruar, për grumbullim, transportim dhe deponim të mbeturinave
- 1.2 Me këtë rregullore krijohen kushtet për e menaxhimin e integruar dhe zvogëllimin e sasisë së prodhuar të mbeturinave dhe uljen e shkallës së rrezikshmërisë nga mbeturinat

NENI 2
PËRKUFIZIMET

1. Përveç shprehjeve të përdorura në ligj sipas kësaj rregulloreje kemi edhe këto përkufizime:
- 1.1 Qendër grumbulluese – lokacioni për pranimin përkatësisht grumbullimin e mbeturinave të ndara sipas llojeve të përcaktuara nga qendra
- 1.2 Pikë grumbulluese – lokacioni ku janë të vendosur shportat, kontejnerët dhe qeset/thasët për grumbullimin e mbeturinave komunale

NENI 3
LLOJET E MBETURINAVE

1. Llojet e mbeturinave që menaxhohen sipas dispozitave të kësaj rregulloreje janë:
- Mbeturinat komunale:
- 1.1 Mbeturina Komunale - janë mbeturinat nga amvisëritë dhe mbeturinat nga aktivitetet tjera të cilat për shkak të përbërjes dhe natyrës tyre mund të janë të ngjashme me ato të amvisërisë
- 1.2 Mbeturina inerte, që nuk tretën, nuk ndizen dhe nuk kanë si pasojë reagime fizike ose kimike, që nuk kanë zëbrthim biologjik në kontakt me materiet tjera dhe nuk ndikojnë në mënyrë të ndjeshme në mjedisin dhe shëndetin e njeriut
- 1.3 Mbeturina të vëllimshme, mbeturina me përmasa të mëdha fizike nga pajisjet e amvisërisë dhe mobiljet;

- 1.4 Mbeturina nga konstruktim-demolimet dhe mbeturinat tjera të gjeneruar nga aktivitetet ndërtimore
- 1.5 Bio-mbeturinat -- mbeturinat e biodegradueshme nga kopshtet, parqet, ushqimet dhe mbeturinat e kuzhinës nga familjet, restorantet, objektet turistike, shitoret me pakicë dhe mbeturinat e ngjashme nga implantet për përpunimin e ushqimit
2. Mbeturina komerciale: janë mbeturinat të cilat gjenerohen nga objektet që përdoren për qëllimet e tregut ose biznesit, sportit, edukimit, rekreacionit por që nuk përfshihen në mbeturina industriale
3. Mbeturina industriale të përcaktuara sipas Ligjit
4. Mbeturina medicinale, humane, dhe veterinare, dhe mbeturinat nga produktet medicinale (barnat e përdorura dhe me afat të skaduar)
5. Mbeturina shtazore të cilat krijohen nga amvisëritë, mishtoret, therrëtoret dhe aktivitetet tjera të ngjashme.

NENI 4 PËRJASHTIMET

1. Nga kjo Rregullore përjashtohen mbeturinat në vijim:
 - 1.1 Mbeturinat e rrezikshme, dhe
 - 1.2 Lumi/ balta dhe mbeturina të ngjashme.
2. Menaxhimi i mbeturinave të rrezikshme rregullohet në bazë të Ligjit dhe akteve tjera ligjore përkatëse.

NENI 5 PËRGJEGJËSITË E KOMUNËS MBI MENAXHIMIN E MBETURINAVE

- 5.1 Themelimi i sektorit për Menaxhimin e Mbeturinave, (emërimi i një zyrtari/ët përgjegjës) në kuadër të Drejtoratit për Shërbime Publike dhe Emergjencë (DSHPE) që të planifikojë, rregullojë, udhëheqë dhe të implementojë aktivitetet e menaxhimit të mbeturinave brenda territorit të komunës së Drenasit, si dhe të udhëzojë, monitoroj ofruesit e shërbimeve për grumbullimin, transportimin dhe deponimin e mbeturinave.
- 5.2 Menaxhimi i mbeturinave komunale nga konstruktim – demolimi, si dhe i mbeturinave inerte, komerciale, të vëllimshme, dhe të ngjashme
- 5.3 Përcaktimi i lokacionit për qendrën grumbulluese për mbeturinat e vëllimshme, dhe mbeturinat elektrike dhe elektronike (afati kohor më së largu 24 muaj, nga momenti i hyrjes në fuqi të kësaj Rregulloreje). Deri në funksionalizim të qendrës, DSHPE cakton një qendër të përkohshme grumbulluese me vendim të Kuvendit Komunal-Drenas.
- 5.4 Qendra grumbulluese për mbeturinat e vëllimshme, dhe mbeturinat elektrike dhe elektronike duhet të plotësojnë kushteve dhe kriteret të përcaktuar me Ligj dhe aktet nënligjore
- 5.5 Përcaktimi i hartës/lokacioneve për vendosjen e kontejnerëve komunal bëhet nga DSHPE-ja në bashkëpunim me Drejtorinë e Urbanizmit, Planifikimit dhe Mbrojtje të Mjedisit

(DUPMM)

- 5.6 Përcaktimi i llojit të kontejnerëve të përshtatshëm me teknikën me të cilën bëhet mbledhja, ndarja dhe transportimi i tyre.
- 5.7 Përcaktimi i orarit dhe dinamikës së mbledhjes së mbeturinave mbetet ai aktual deri në një vendim të ri, të nxjerrur nga DSHPE
- 5.8 Sipas nevojës, për interesin publik, DSHPE-ja autorizon operatorin që të bëjë mbledhjen e mbeturinave edhe jashtë orarit dhe dinamikës së paraparë
- 5.9 DSHPE dhe DI i Identifikimi i pikave dhe deponive ilegale të mbeturinave dhe eliminimi i tyre
- 5.10 DSHPE-ja shqyrton ankesat e klientëve të saj sa i përket shërbimit për grumbullim të mbeturinave
- 5.11 Promovimi i konceptit për minimizim të mbeturinave (3R - Reduktimi, Ripërdorimi, dhe Riciklimi)
- 5.12 Krijimi i një sistemi të qëndrueshëm (si pas Planit Komunal) mbi menaxhimin e mbeturinave komunale.
- 5.13 Përpilimi i raporteve mbi menaxhimin e mbeturinave, dhe shkallën e inkasimit të tarifës mbi mbeturinat.
- 5.14 Dorëzimi i raportit vjetor në Ministrinë e Mjedisit dhe planifikimit Hapësinor, për menaxhim të mbeturinave çdo 31 mars të vitit pasues.
- 5.15 Monitorimi dhe hartimi i raportit vjetor për implementimin e Planit Komunal për Menaxhim të Mbeturinave, deri më 31 mars të vitit vijues.

NENI 6

KATEGORIZIMI I GJENERUESVE TË MBETURINAVE

Gjeneruesit e mbeturinave kategorizohen si më poshtë:

1. Konsumatorët e amvisërive:
 - 1.1 Të shërbyer përmes kontejnerëve të përbashkët
 - 1.2 Të shërbyer me shërbimin derë më derë
1. Konsumatorët komercial/industrial:
 - 2.1 Dyqanet e vogla Zejtare dhe Shërbyese
 - 2.2 Subjekte të mesme deri të mëdha komerciale me kosto të ulët të shërbimit
 - 2.3 Subjekte të mesme deri të mëdha komerciale me kosto të lartë të shërbimit
 - 2.4 Subjektet e mesme deri të mëdha komerciale / industriale me kosto të lartë të shërbimit
 - 2.5 Konsumatorët e shërbyer me kontrata të veqanta për zbrazje
2. Institucionet:
 - 3.1 Konsumatorët e vegjël institucional
 - 3.2 Konsumatorë e mesëm dhe të mëdhenj institucional
 - 3.3 Konsumatorët e mëdhenj institucional të shërbyer me kontratë

NENI 7

TARIFA PËR GRUMBULLIM, TRANSPORTIM DHE DEPONIM TË MBETURINAVE

1. Komuna i cakton tarifat për mbeturinat, varësisht nga lloji i tyre, në bazë të Rregullores për tarifa, ngarkesa dhe gjoha komunale.
2. Arkëtimi i tarifave të cekura në paragrafin 1 të këtij neni, do ta bëjnë Operatorët Ekonomik pas kryerjes së shërbimeve të caktuara në kontratë mbi kryerjen e shërbimeve të lidhura në mese operatorve ekonomike dhe gjeneruesve të mbeturinave.

Përcaktimi i tarifave të shërbimit është me ankesë shtesë.

NENI 8

TË DREJTAT DHE DETYRAT E GJENERUESVE TË MBETURINAVE

- 8.1 Gjeneruesit e mbeturinave duhet të paguajnë për shërbimin e ofruar në bazë të tarifës së mbeturinave
- 8.2 Të gjithë personat fizik dhe juridik që krijojnë mbeturina, duhet të kenë qasje në shërbimet publike për grumbullimin e mbeturinave.
- 8.3 Gjeneruesit e mbeturinave detyrohen që fraksionet e mbeturinave t'i ndajnë dhe t'i vendosin sipas sistemit të përcaktuar nga Komuna (poashtu edhe përmes kompostimit dhe formave tjera të mundshme).
- 8.4 Gjeneruesit e mbeturinave detyrohen që mbeturinat e tyre t'i hedhin në vende të caktuara për grumbullimin e mbeturinave, ndërsa mbeturinat e rrezikshme (nga amvisëritë, t'i ndajnë dhe t'i dorëzojnë në pikat grumbulluese).
- 8.5 Çdo gjenerues i mbeturinave duhet të respektojë rregullat dhe orarin e hedhjes së mbeturinave të përcaktuar nga operatori në pëlqim të Komunës.
- 8.6 Çdo gjenerues i mbeturinave komunale ka të drejtë ankese ndaj shërbimit të ofruar (komfor neni 5, pika 5.10)
- 8.7 Çdo gjenerues i mbeturinave në zonën e shërbimit preferohet - obligohet të jetë pjese e shërbimit
- 8.8 Ndërmarrjet industriale të cilat gjenerojnë mbeturina gjatë ushtrimit të veprimtarisë obligohen që Komunës t'ia dorëzojnë planin e menaxhimit të mbeturinave.

NENI 9

DETYRAT DHE PËRGJEGJËSIT E OPERATORËVE TË KONTRAKTUAR PËR SHËRBIMIN E MBETURINAVE

- 9.1 Operatori i kontraktuar nga Komuna, për ofrimin e shërbimeve për menaxhimin e mbeturinave, është i obliguar që të veprojë sipas kontratës dhe ligjeve në fuqi.

NENI 10 VEPRIMET E NDALUARA

1. Përveç veprimeve të ndaluara, të parapara me Ligj dhe akte tjera nënligjore, me këtë rregullore ndalohen edhe veprimet si më poshtë:
 - 1.1 Hedhja e mbeturinave në hapësirat e përbashkëta brenda dhe jashtë objekteve shumë banesore;
 - 1.2 Shfrytëzimi i mbeturinave nga kontejnerët ose nga pikat mbledhëse të mbeturinave si ushqim për kafshët apo të ngjashme;
 - 1.3 Shfrytëzimi i kontejnerëve publik nga bizneset, veprimtaritë ekonomike për llojet e mbeturinave që nuk përfshihen në përkufizimin "mbeturina komunale dhe komerciale";
 - 1.4 Derdhja apo rrjedhja e mbeturinave prej mjeteve transportuese gjatë grumbullimit dhe transportimit të tyre nga personat fizik dhe juridik;
 - 1.5 Transportimi i mbeturinave, me mjete transportuese pa mbulesë adekuate me qëllim të pengimit të derdhjes, shpërndarjes apo rrjedhjes së mbeturinave;
 - 1.6 Ndryshimi i mënyrës, metodave, teknikës dhe teknologjisë së largimit të mbeturinave në kundërshtim me kushtet e përcaktuar me kontratë apo ndonjë formë tjetër.

NENI 11 GJOBAT

Për shkelësit e dispozitave të kësaj rregulloreje, për veprimet e ndaluara, Neni 10, (pikat 1.1, 2,3,4,5) Inspektori komunal, zyrtari policor, shqipton gjobë mandatorë prej 50 euro, përveç pikës 6 deri në 200 euro

NENI 12 MBIKËQYRJA DHE INSPEKTIMI

1. Autoritet kompetente për mbikëqyrjen e zbatimit të kësaj rregulloreje është Drejtorati për Shërbime Publike dhe Emergjencë, Drejtorati për Inspektoratit Komunal dhe Drejtorati për Urbanizëm, Planifikim dhe Mbrojtje të Mjedisit.
2. Inspektimin e bënë inspektori mjedisor i komunës, personi i autorizuar dhe policia e Kosovës.

NENI 13 Dispozitat kalimtare dhe të fundit


Në rast se dispozitat e kësaj rregulloreje bien ndesh me ligjin për mbeturina, epërsi do të kenë dispozitat ligjore.

NENI 14
Hyrja në fuqi

Me hyrjen në fuqi të kësaj rregulloreje shfuqizohen të gjitha dispozitat e rregullores 16 nr. 501-1768 të dt. 27.12.2012 për menaxhimin e mbeturinave komunale që bien ndesh me dispozitat e kësaj rregulloreje dhe ligjit për mbeturina dhe aktet tjera nënligjore.

NENI 15

Kjo Rregullore hyn në fuqi 15 ditë pas regjistrimit në Zyrën e protokollit të Ministrisë për administrimin e Pushtetit Lokal si dhe 8 ditë pas publikimit të saj në tabelën e shpalljeve dhe në ueb - faqen e Komunës së Drenasit.



Kryesuesi

Kuvendit të Komunës

Naim Bazaj
Naim Bazaj